

## **Immikkoortortaqarfiup aqqa aamma angerlarsimaffia**

**§ 1. Immikkoortortaqarfiup aqqa:**

**Upernavimmi Sulinermik Inuussutissarsiuteqartut peqatigiiffiat.**

Naalisarlugu U.S.I.P

**§ 2. Immikkoortortaqarfiup angerlarsimaffia.**

Aqqusinertaaq B-221 Telefon 96 19 60 Mobil 53 23 20

Email: [upernavik@sik.gl](mailto:upernavik@sik.gl)

3962 Upernivik

**§3. Immikkoortortaqarfik Sulinermik inuussutissarsiuteqartut Kattuffiannut (SIK) ilaavoq.**

### **Siunertaq suliassallu**

**§ 4. Immikkoortortaqarfiup siunertaraa suliassaralugillu suliffeqarfinni sulisut sinnisaat suleqatigalugit.**

- Immikkoortortaqarfiit allat SIK-lu ingerlatsivii allat, soorlu SIK-p allattoqarfia, kingunissalimmik suleqatiginerisigut ilaasortanut iluaqtissiinissaq.
- Sulisartut aamma lærlingit/ilinniartut sumiiffimmiittut tamaasa ataatsimoortissallugit. Akissarsiatigut atorfegarnikkullu atugassaranik pitsasunik kiisalu sullivinni suliffeqarnikkut Avatangiisit toqqisisimamanartunik angusaqarumalluni.
- Isumaqtigiissutit inatsisillu atuuttut - soorlu sullivimmi avatangiisit pillugit – Illoqarfimmi/nunaqarfimmi suliffeqarfinni eqquutsinneqartarnissaat sulissutigisallugu.
- Ilasortat suliffeqannginnerisa napparsimanerisalu nalaanni pisariaqartitaminnik ikiorne-qarnissaasa sulissutiginissaat.
- Sulisartut peqatigiinneranni kammalaatigiinnerannilu katersuuffiussalluni.
- Ilasortat pisinnaatitaaffii pillugit siunnersortassallugit.
- Suliffinni isumaqtigiinnginnerni, soorlu inunnut aalajagersimasunut tunngatillugu suliassani Ilasortat akuufigisaanni, ilasortat soqutigisaannik SIK-p allattoqarfia suleqatigalugu illersuis-salluni.
- Illoqarfimmi/nunaqarfimmi suliffinni sulisut sinnisaannik qinersisarnissaq qulakkiissallugu, Ilisimatitsissuteqassalluni.
- Sulisut sinnisaasa suliaat pillugit sulisitsisunik isumaqtigiissutit malinneqarnissaat qulakkiissallugu.

### **Ilaasortat.**

**§ 5.** Ilaasortangortinnejarsinnaapput kikkuugaluartulluunniq SIK-p malittarisassaani § 3-mi piumasaqaatinik naammassinnittut.

**§ 6.** Ilaasortangorneq pissaaq immersugassamik immersuinikkut atsiuinikkullu. Ilaasortaajunnaarneq imaluunnit allannguit taamatuttaaq nalunaarutigineqassapput.

Imm. 2. Ilaasortat nutaat immikkoortortaqarfip sulinera pillugu paassisutissineqarnissaannut siulersuisut akisussaapput.

Imm. 3. U.S.I.P-mut ilaasortaaneq qaammammut **280,00**-neqarpoq, taakkunannga 150,00 SIK-mut Peqatingiiffimmullu **130,00**-nit.

### **Ataatsimeersuarneq.**

**§ 7.** Ataatsimeersuarneq tassaavoq immikkoortortaqarfimmi oqartussaasoq qullerpaaq.

Imm.2. ileqqusumik ataatsimeersuarneq ukiut **pingasuukkaarlugit** ingerlanneqartassaaq marst-ip qaam mataa naatinnagu kingusinnerpaamik ullut-14-nit sioqqullugit najukkami atuagassiatigut nittarsaanikkut, taamaattoqarpat, kiisalu illoqarfip/nunaqarfip allagarsiiviisigut kiisalu suliffeqarfinni allagartaliilluni ili-masaaruteqarnikkut ataatsimeersuariertoqquisoqartassalluni.

Imm.3. Ataatsimeersuarnermi oqaaseqarsinnaatitaasut taasisinnaatitaasullu tassaapput ilaasortat ilaasortaanermut akiliuteqarsimasut tamarmik. Pisinnaatitsissuteqarluni imaluunniit allakkatigut taasisoqarsinnaanngilaq.

**§.8.** Ileqqusumik ataatsimeersuarnermi ullormut oqaluuserisassat ikinnerpaamik makkuninna imaqqassapput.:.

1. Ataatsimeersuarnermi aqutsisussamik imaqqarniliortussamillu toqqaaneq.
2. Siulersuisut nalunaarutaat.
3. Naatsorsuutinik kukkunersiukkanik ilisimatitsissutitut saqqummiussineq.
4. Siunnersuutit takkuttut.
5. Ilaasortaanermut akiliutip aalajangersarneqarnera.
6. Missingersuutit akuerineqarnerat.
7. Siulersuisunik qinersineq.
  - a) Siulittaasup qinersineq
  - b) Siulittaasup tullianik qinersineq
  - C) Siulersuisunut ilaasortanik pingasunik qinersineq
  - d) Sinniisussanik pingasunik qinersineq.

8. taasariaqartut allat.
9. Siulittaasoq allaffimmi issianngikkuni qaammammut 7.000,00 akissarsiarissavai allaffim-mioqarluni ullormut 6 tiimi sulisartumik, kisianni allaffimmi issiassaguni suliffimmini ani-ngaasarsiani pingiinnassuai ullormut 8-tiimi sulisarluni.
10. Siulersuisut suleriaasaat, Siulersuisut iluminni naleqqussartassuaat makkunatigut suli-soqarnermi aammalu allaffiup ammasarneratingut. Aamma Siulersuisut nammineq mali-tassaminnik aamma ilaasortat sullilluarneqarnissaat sallitutinneqassaaq.

**§.9.** Ilaasortat immikkoortortaqarfimmut atassuteqartut tamarmik siulersuisunut qinigaasinnaapput.

**§.10.** Siunnersuuit ataatsimeersuarnermi eqqartortikkusutat siulersuisunit tiqunejareersimassapput ataatsimeersuarnissaq kingusinnerpaamik ullunik 8-nik sioqquillugu. Ilaasortat § 7 imm. 3 naapertor-lugu oqaaseqarsinnaatitaallutillu taasisinnaatitaasut tamarmik siunnersuutnik taamaattunik saqqumiussisinnaapput.

**§.11.** Ataatsimeersuarnermi nalinginnaasumik amerlanerussuteqarnikkut aalajangersaasoqartassaaq, malittarisassani allamik allassimasoqanngippat. Taasinerit naligiipata siunnersuut peerneqassaaq; taamaattorli inummik qinersineq ingerlanneqarpat qinersisoqqissaaq. Qinerseqqinnermi taasinerit naligiippata makitsinikkut qinersineq ingerlanneqassaaq.

Imm.2 Allalluni taasinerit ingernneqartassapput, tamanna ataatsimiinnermi peqataasumik – ataatsimit-kissaatigineqarpat, kiisalu siulersuisunut qinigassanngortittut siulersuisuni ilaasortanit amerlanerit qinigassanngortippata.

**§.12.** Ataatsimeersuarnermi SIK-p malittarisassaanut immikkoortortaqarfiullu nammineq malittarisas-saanut akerliusunik aalajangiisoqarsinnannilaq, aalajangiinerillu pisassapput SIK-p ataatsimeersuar-nerani imaluunniit nakkutilliisoqarfimmi siulersuisuunerniluunniit aalajangiinerit ataqqillugit.

**§.13.** Ataatsimeersuarnermit imaqarniliaq SIK-p allattoqarfianut nassiunneqassaaq kingusinnerpaamik ataatsimeersunermit sap. Ak.3 qaangiutsinnangit.

### **Immikkut ittumik ataatsimeersuarneq.**

**§.14.** Immikkut ittumik ataatsimeersuartoqarsinnavoq siulersuisuni amerlanerussuteqartut tamanna pisariaqartutut isigippassuk imaluunniit sulisut sinnisaasa pingajorarterutaasa ilaasortalluunniit pingajorarterutaasa atsiornermikkut tamanna piumasarippassuk. Piumasarineqartoq ullormut oqaluuseri-sassatut siunnersummik ilaqtinnejqassaaq.

Imm.2. immikkut ittumik ataatsimeersuarneq ingerlannejqassaaq tamatuminnga piumasaqarnerup Siulersuisunik tinguneqarneranit kingusinnerpaamik sap. Ak. 3 qaangiutsinnagit.

Imm.3. immikkut ittumik ataatsimeersuariaqqusisoqassaaq sivikinnerpaamik ulla 14-it sioqqullugit najukkami atuagassiatigut nittarsaanikkut, taamaattoqarpat, kiisalu illoqarfiup/nunaqarfiup allagar-siiviisigut kiisalu suliffeqarfinni allagartaliilluni.

Imm.4. immikkut ittumik ataatsimeersuarnermi siulersuisunut qinersisoqarpat qinersineq ileqqusumik ataatsimeersuarnissap tulliuttup tungaanut atuutissaq.

Imm.5. § 9 aamma §§11-13 taamatuttaaq atorneqassapput immikkut ittumik ataatsimeersuarnermi.

### **Ilaasortat ataatsimiinnerat.**

**§.15.** Ukumi ataatsimeeruarfiunngitsuni ilaasortanik ataatsimiisitsisoqartassaaq. Ataatsimiinnej martsi naatinngu pissaaq, sivikinnerpaamillu ulla 14-nik sioqqullugu ataatsimiigiaqqusisoqassaaq najukkami atuagassiami taamaattoqarpat, nittarsaanikkut kiisalu illoqarfiup/nunaqarfiup allagarsiiviisigut suliffeqarfinnilu allagarsiinikkut.

Imm.2. ilaasortat ilaasortanut akilimmik akiliqassitaasimasumik akiliisimasut tamarmik ilaasortat ataatsimiinneranni oqaaseqarsinnaatitaallutillu taasisinnaatitaapput. Pisinnaatitsissuteqarluni imaluunniit allattakkatigut taasisoqarsinnaanngilaq.

**§.16.** ilaasortat ataatsimiinneranni ullormut oqaluuserisassat ikinnerpaamik makkuninnga imaqqassapput:

1. Ataatsimiinnermi aqutsisussamik imaqarniliortussamillu toqqaaneq
2. Siulersuisut nalunaarutaat.
3. Naatsorsuutit kukkunersiukkanik ilisimatitsissutitut saqqummiussineq.
4. Siunnersuutit takkuttut.
5. Ilaasortaanermut akiliutip aalajangersarneqarnera.
6. Missingersuutit akuerineqarnerat.
7. Taasariaqartut allat.

**§.17.** §§ 10-13 taamatuttaaq atorneqassapput ilaasortat ataatsimiinneranni.

## **Siulersuisut.**

**§.18** Siulersuisut immikkoortortaqarfiup ulluinnarni aqunneqarneranut akisussaasuuppat, pisussaallutillu Immikkoortortaqarfik SIK-p malittarisassai immikkoortortaqarfiullu nammineq malittarisassai naapertorlugit aqussallugit, soorlu siunertat suliassallu § 4-mi taaneqartut sulissutigineqarnerat qulakkiissallugu. Taamattaaq siulersuisut malissavaat Slk-p ataatsimeersuarnerani, nakkutilliisoqarfiani siulersuisuunerinilu aalajangiinerit kiisalu immikkoortortaqarfiup ataatsimieersunerani aalajangiinerit.

§.19. Siulersuisut namminneq ulluinnarni suleriaasisartik aalajangersaavigissavaat, Siulersuisut akornanni suliassat aalajangersimasut agguataarnissaannik minnerpaamik ilaqaqtussaq, kiisalu Siulersuisut ataatsimiit-tarnissaannut sulisullu sinniisaannik ilaasortanillu ataatsimeeqatiginnittarnissamik pilersaaruteqassallutik.

Imm.2. Siulersuisut aalajangiisinnaassuseqarput siulersuisuni ilaasortat ikinnerpaamik pingasut peqataagaa-nata. Taasinerit naligiippata siulittaasup taaasinera aalajangiisuussaaq. Siulittaasup peqannginnerani siulit-taasup tulliata taasinera aalajangiisuussaaq.

Imm.3. Siulittaasoq immikkoortortaqarfiup ingerlanneqarneranut akisussaasuni qullersaavoq, siulersuisulli aalajangererisigt tamanna siulersuisuni ilaasortamut allamut akisussaaffittut tunniunneqarsinnaalluni.

Imm. 4. Immikkoortortaqarfiup ulluinnarni allaffissornikkut ingerlanneqarnera pillugu Siulersuisut pisari-aqartumik aalajangiisassapput, tamatumani aamma allaffimmi sulisunik atorfinititsinerit soraarsitsinerillu pillugit aalajangiinernik.

Imm.5. Siulersuisunut ilaasortat allaffimmilu sulisut ajunngitsorsiassaat akissarsiaqartinneqarnerallu mis-singersuusiami ataatsimeersuarnermi imaluunniit ilaasortat ataatsimiinneranni akuersissutigineqartumi allassimassapput.

Imm.6. Siulersuisuni ilaasortat tallimat ukiup naalernerani honorar pisassavaat, inummut ataatsimut 10.000,00 tallimanut 50.000,00 soorunami skat ilanngaatingalugu, qaammatit arfinillit naammatsinnagat tunuaruni pisinnaanngilai.

Imm.7. Siulersuisut ataatsimiinnermi inummut ataatsimut 300,00 pisassavaat, aamma allafimmioq ilinni-arzinmanera malillungu akissaateqartinneqassaaq.

**§ 20.** Siulersuisut ataatsimiinnerannit imaqlariaq SIK-p allattoqarfianut nassiunneqassaaq ataatsimiin-nerup kingorna kingusinnerpaamik sap. ak.3 qaangiutsinnagit.

**§ 21.** Siulersuisunut ilaasortaq Naalakkersuisunut ilaasortatut toqqarneqaruni imaluunniit Borgmester-itut qinigaaguni siulersuisunut ilaasortaajunnaassaaq.

imm.2. Siulersuisunut ilaasortaq politikkikkut suliaqarnini pissutigalugu allamilluunniit pissuteqarluni siulersuisunut ilaasortatut suliassaminik isumaginnissinnaajunnaartutut naliliiguni, taanna siulersuisu-nut ilaasortaajunnaarniarluni aalajangersinnaavoq.

Tamanna taamaallaat piffissamut killilimmut atuuppat, pineqartoq sulinngiffeqarallarnissamut akuerine-qaannarsinnaavoq. Sulinngiffeqarallarnissamut akuerineqartoq siulittaasuuppat, siulittaasup tullia sulinngiffeqarallarnerup nalaani siulittaasutut atuutissaaq. Sulinngiffeqarallarnissamut akuerineqartoq siulittaasup tullerippagu, Siulersuisut aalajangissapput siulersuisunut ilaasortaq sorleq sulinngiffeqarallarnerup nalaani siulittaasup tulliatut atuutissanersoq. Siulinngiffeqarallarnissamut akuerineqartoq siulersuisunut ilaasortaappat siulittaasuungitsoq imaluunniit siulittaasumut tulliunngitsoq, Siulersuisut aalajangersinnaapput sinniisussamik siulersuisunut ilaasortanngortoqassasoq sulinngiffeqarallarnerup nalaani atuuttussamik, qinersinermi § 8 -mi nr. 7-imi taaneqartumi taaneqarnerpaasimasumik.

Imm.3. Siulersuisunut ilaasortaq immikkoortortaqarfip aningaasaataanik atornerluisimasoq siulersuisunut ilaasortaajunnaarsinneqarsinnaavoq. Aningaasanik atornerluisimaneq ilaasortaajunnaarsitsinissaq pitinnagu kattuffiup kukkunersiusuanit uppermarsarneqassaaq. Aammattaaq ilaasortaajunnaarsitsisoqarsinnaavoq siulersuisunut ilaasortaq paasissutissanik allagaatinilluunniit immikkoortortaqarfimmut ajoquatasumik atorneqarsinnaasunik siulersuisunit akuerineqarnani ingerlatitseqqiisimappat, aammattaaq siulersuini ilaasortaq ilaminik eqqunngitsumik malersuippat peersinneqassaaq.

Imm.4. imm- 1-3-mi taaneqartutut pisoqarnerani siulittaasoq siulersuisunut ilaasortaajunnaarpat siulittaasup tullia siulittaasunngussaaq ileqqusumik ataatsimeersuarnissami tulliuttumi siulittaasumik nutaamik qinersinissap tungaanut. Taava Siulersuisut siulittaasup tullianik nutaamik qinersissapput. Tamatuma peqatigisaanik siulersuisuni sinniisussaq qinersinermi § 8-mi nr.7-imi taaneqartumik taaneqarnerpaasimasoq siulersuisunut ilaasortatut atuutilissaaq.

Siulersuisut aalajangersinnaapput periaaseq qulaani taaneqartoq atornagu immikkut ittumik ataatsimeersuariaqqusisoqassasoq piaernerpaamik siulittaasussamik nutaamik qinersinissaq siunertaralugu.

imm.5. imm. 1-3-mi taaneqartutut pisoqarnerani siulittaasup tullia siulersuisunut ilaasortaajunnaarpat siulersuisut siulittaasup tullianik nutaamik qinersissapput siulersuisunut ilaasortat akornannit. Tamatuma peqatigisaanik siulersuisuni sinniisussaq qinersinermi § 8-mi nr. 7-mi taaneqartumi taaneqarnerpaamisasoq siulersuisunut ilaasortatut atuutilissaaq.

Imm.6. imm.1-3mi taaneqartutut pisoqarnerani siulersuisunut ilaasortamik siulittaasuunngitsumik imaluunniit siulittaasumut tulliunngitsumik siulersuisunik tunuartoqarpat siulersuisuni sinniisussaq qinersinermi § 8 nr.7-mi taaneqartumi taaneqarnerpaasimasoq ilaasortanngussaaq. Sinniisussat arlallit amerlaqatigiinik taaneqarsimappata, imaluunniit sinniisussat taasinertaqanngitsumik qinigaasimappata, kina siulersuisunut ilaasortanngussanersoq makitsissutigineqassaaq.

## **Aningaasaqarneq, naatsorsuutit aamma kukkunersiuineq**

**§ 22. Immikkoortortaqarfiup ukiumoortumik naatsorsuutaasa qaammatisiutit ukiuat malissavaat.**

Imm.2. Siulersuisut imikkoortortaqarfiup naatsorsuutai akuersissutigissavaat, taakkulu tamatuma kingorna ilisimatitsissutit ataatsimeersuarnermi imaluunniit ilaasortat ataatsimiinneranni saqqumiunneqassapput. Naatsorsuutit kukkunersiuisumit SIK-p ataatsimeersuarnerani qinerneqarsimasumit kukkunersiorneqartassapput.

Imm. 3. Peqatigiiffiup naatsorsuuserissunneqarnera SIK-p allattoqarfiani naatsorsuuserisumit ingerlanneqanneqassaaq, taanna aammattaaq peatigiffiup kontoinut netbank-kut isersinnaanermut akuersissummik peqartussaalluni. SIK-p allattoqarfiaita qaammatit tamaasa naatsorsuutinut allattukkat anillatsillugit immikkoortortaqarfimmut nassiuttassavai.

## **Atsiornissamut maleruaqqusat aningaasanut akisusaassuseqarneq**

**§ 23. Immikkoortortaqarfik sinnerlugu atsiorsinnaatitaavoq siulittaasoq aamma ikinnerpaamik siuersuisuni ilaasortaq ataaseq. Taarsigassarsiaqarnermi aamma illutigisamik tunisaqarnermi pisinermilu imaluunniit qularnaveeqqusiusinermi peqatigiiffik sinnerlugu siulersuisunut ilaassortat tamarmik atsioqataassapput.**

Imm.2. Immikkoortortaqarfimmut ilaasortat immikkoortortaqarfiup pisussaaffigilersimasaanut inuttut ataasiakkaatut pisussaaffilerneqarsinnaanngillat.

## **Malittarisassanik allanngortitsineq**

**§ 24. Malittarisassat taamaallaat ataatsimeersuarnermi 2/3-mik amerlanerussuteqartunik allanngortinneqarsinnaapput, tassani allanngortitsinissamut siunnersuut ullormut oqaluuserisassani allassimasalluni. Malittarisassat taakku minnerpaamik imaqassapput aalajangersakkanik immikkoortortaqarfiiit malittarisassaanni nalinginnaasuni SIK-p ataatsimeersuarnerani akuersissutigineqarsimasuni allassimasunik.**

Imm.2. Malittarisassanik allanngortitsinerit ataatsimeersuarnermiakuersissutigineqarnerminnit atuu-tilissapput.

## **Immikkoortortaqarfimmik atorunnaarsitsineq**

**§ 25. Immikkoortortaqarfimmik atorunnaarsitsineq taamaallaat ataatsimeersuarnermi pisinnaavoq, tassani atorunnaarsitsinissaq ullormut oqaluuserisani allassimassalluni, ataatsimeersuarnermi peqataasut 2/3-isa siunnersuut akuerippassuk.**

Imm.2 Atorunnaarsitsinermi immikkoortortaqarfik akiitsoqarpat taakku akiligassaqarfinnut akilerneqassapput. Pigisat sinneruttut, tassunga ilanngullugit allattaaviit protokolit, imaqarniliat il.il. SIK-p allattoqarfianut tunniunneqassapput.

Ataatsimeersuarnermi akuersissutigineqarpoq 19. marts 2021

Siulittaasoq

Lars Eskildsen

Siulittaasup tullia

Kirstine Kleemann

---

Siulersuisunut ilaasortaq

Haldora G. Jensen

---

Siulersuisunut ilaasortaq

Arnaq Jørgensen

---

Siulersuisunut ilaasortaq

Uthilie Kristiansen